

Cenzcouh:

Va'ngaeux Yinx Hek Daeuj Youz

Ndwen 7 ngoenz 4, Gveilinz Si Cenzcouh Yen Cenzcouh Cin Dasinh Cunh baenz bak moux va'ngaeux cungj hai lo, yawj gvaqbae, mbawngaeux mbaw sang mbaw daemq lumj aen liengj nei, va'ngaeux dujduj sangreux gyaendei, doxcienj angj hai, yinx haujlai hekyouz daeuj ngonzyawj.

(Dangz Gvangjdungh/唐广东)

► Hekyouz youq henz daemz va'ngaeux ingjsienq.



Lozcwnqz:《Saekhoengz Cienzgeiz》Haeuj Hagdangz

Ndwen 7 ngoenz 2, youq Lozcwnqz Mulaujcz Swciyen Daihngeih Siujyoz banh habciengq hozdung, haindung aen yienh neix bi 2020《Saekhoengz Cienzgeiz》haeuj hagdangz haehlied hozdung, dazyinx lauxsae hagseng geiqloeg gij lizsij saekhoengz、gyaepa gij rizdin saekhoengz、cienzciep gij gihiyinh saekhoengz、hungzyangz gwzming

cingsaenz. 《Saekhoengz Cienzgeiz》dwg bouh lizsij giluzben saekhoengz Gvangjsih ndeu, gangj vunz Gungguek Gungcanjdangj youq Gvangjsih louz roengz gij yaenq saekhoengz haenx, langhbaej gij cingsaenz binjciz、lijsienj saenqniemh caeuq cungcig saenqyiengj vunz Cungguek Gungcanjdangj.

(Lij Dwzgunh/吕德坤)



▲ Siujhagseng habciengq 《Ciengq Guekcoj》.

Vujmingz:Laebbaenz Daengx Guek Daih'it Aen Ranz Lajmbanj Caepguh Gohgi Bozvuzgvanj

Geij ngoenz gonq, Nanzningz Si Vujmingz Gih daihcangqheiq lijyouz canjnieb hanghmoeg hungloet gyoebcomz ciem' iek haigoeng hozdung caeuq ranz lajmbanj caepguh gohgi bozvuzgvanj haigvanj yizsiz youq Vujmingz gawjbanh. Aen bozvuzgvanj neix, gyoebcomz geij bak hangh gisuz cauhamoq caepguh, doeng-

gvaq yungh leixniemh moq、fuengfap moq、gisuz moq, cienzmienh bae doiq caepguh ranz lajmbanj moq cib daih gohgi cawjdaez caeuq gij ranz lajmbanj caepguh gisuz seizneix ndaw guek rog guek gaenq wngqyungh haenx guh cunghab mbeibaij.

(Huz Gyahmingz/胡佳明)



▲ Minzcuz daegsaek senhconz dui haeuj mbanj eu fwen senhconz.

Yizcouh:Eu Fwen Senhconz Dwkmied Gijvunz Simnduk

Ndwen 7 ngoenz 3, Hozciz Si Yizcouh Gih Goengloh Coihhoh Cungsim minzcuz daegsaek senhconz dui bae daengz Liuz Sanhcej Cin Siujlungz Cunh, haeuj mbanj eu fwen senhconz dwkmied gijvunz simnduk, beksingq bekwngz haenhndei. Seizneix, aen minzcuz daegsaek senhconz dui neix gungh banh senhconz hozdung 13 mbat, gungh fat senhconz swhliu 700 lai faenh, vih hong coihhoh goengloh cau haeu baenz sevei vanzging huzndei onj-dingh.

(Veiz Canghyoz/韦昌学)



▲ Ndaw bozvuzgvanj baij gij vunqranz lajmbanj.